

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-19-20686/22
Sarajevo, 21.11.2022. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 3. stav (3) Pravilnika o provođenju postupka zajedničke javne nabavke i osnivanja centralnog nabavnog organa („Službeni glasnik „BiH“, br. 55/15), člana 2. Ugovora o sufinansiranju projekta: Zamjena dijela postojeće fasadne stolarije na zgradi O.Š. „Osman Nuri Hadžić“ zaključenog sa Federalnim ministarstvom prostornog uređenja broj 02/08-19-19052/22 od 06.9.2022.godine i člana 14. Pravilnika o nabavi roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavi roba, vršenju usluga i ustupanju radova broj 02/12-05-10708/18 od 16.5.2018. godine i broj 02/12-45-8834/20 od 02.07.2020. godine, a na preporuku Komisije za javnu nabavku radova, Općinski načelnik donosi:

ODLUKU

**o izboru najpovoljnijeg ponuđača u predmetu –
Zamjena dijela postojeće fasadne stolarije na zgradi O.Š. “Osman Nuri Hadžić”**

I

Prihvata se preporuka Komisije za javnu nabavku radova i ugovor u predmetu – Zamjena dijela postojeće fasadne stolarije na zgradi O.Š. “Osman Nuri Hadžić”, broj obavještenja 422-1-3-210-3-188/22, objavljeno na Portalu javnih nabavki dana 05.10.2022. godine i u “Službenom glasniku BiH- Oglasnik javne nabavke”, br.67/22 od 07.10.2022.godine., dodjeljuje se ponuđaču „HDI” d.o.o. Sarajevo sa ponudenom cijenom za ugovor iznosu od 56.837,15 KM bez PDV-a, odnosno 66.499,47 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-20686/22 od 29.9.2022.godine Općina Novi Grad Sarajevo pokrenula je otvoreni postupak javne nabavke – Zamjena dijela postojeće fasadne stolarije na zgradi O.Š. “Osman Nuri Hadžić”, broj obavještenja 422-1-3-210-3-188/22, objavljeno na Portalu javnih nabavki dana 05.10.2022. godine i u “Službenom glasniku BiH- Oglasnik javne nabavke”, br.67/22 od 07.10.2022.godine. Predmetni postupak javne nabavke pokrenut je na osnovu člana 3. stav (3) Pravilnika o provođenju postupka zajedničke javne nabavke i osnivanja centralnog nabavnog organa („Službeni glasnik „BiH“, br. 55/15) i člana 2. Ugovora o sufinansiranju projekta: Zamjena dijela postojeće fasadne stolarije na zgradi O.Š. „Osman Nuri Hadžić“ zaključenog sa Federalnim ministarstvom prostornog uređenja broj 02/08-19-19052/22 od 06.9.2022.godine. Procijenjena vrijednost za predmetnu nabavku iznosi 85.470,09 KM bez PDV-a, odnosno 100.000,00 KM sa PDV-om.

Rješenjem Općinskog načelnika broj 02/02-04-22157/22 od 20.10.2022. godine formirana je Komisija za provođenje predmetnog postupka nabavke, od čega su četiri člana Komisije predstavnici Općine, a jedan član

Komisije predstavnik Federalnog ministarstva prostornog uređenja. Komisija je na sjednici Komisije održanoj dana 26.10.2022. godine usvojila Poslovnik o radu Komisije za provođenje postupka predmetne javne nabavke i potpisala izjave o povjerljivosti, nepristrasnosti i nepostojanju sukoba interesa i nepostojanju drugih prepreka u skladu sa Zakonom o javnim nabavkama BiH i donijela Poslovnik o radu.

Zapisnikom o otvaranju ponuda od 26.10.2022. godine Komisija je konstatovala da je u predviđenom roku, u propisno upakovanim kovertama, pristiglo sedam (7) ponuda:

1. „GD Konstrukcije“ d.o.o. Mostar
2. „Prima-Commerce“ d.o.o. Zenica
3. „RMK Engineering“ d.o.o. Sarajevo
4. „Inggra“ d.o.o. Sarajevo
5. ZR „Metal system“ Nebojša Pejić s.p. Doboj
6. „Nivex“ d.o.o. Derventa
7. „HDI“ d.o.o. Sarajevo

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da je pristiglo sedam ponuda, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač ZR „Metal system“ Nebojša Pejić s.p. Doboj ne ispunjava kvalifikacioni uslov tražen u tenderskoj dokumentaciji iz tačke 3.4.1. (a) tehnička i profesionalna sposobnost - da je ponuđač u protekle tri kalendarske godine kao izvođač uspješno izvršio najmanje jedan ugovor koji je u vezi sa predmetom nabavke vrijednosti najmanje 100.000,00KM sa PDV-om, a tačkom 3.4.2. (a) propisano je da se navedeno dokazuje listom izvršenih ugovora, koji su realizovani u posljednje tri godine sa vrijednostima, datumima i naručiocima radova. Uz spisak izvršenih ugovora ponuđač je dužan dostaviti najmanje jednu potvrdu za ugovor koji su u vezi s predmetom nabavke vrijednosti najmanje 100.000,00 KM sa PDV-om, koju je izadala ugovorna strana -naručilac radova. Ponuđač ZR „Metal system“ Doboj je dostavio potvrdu o uspješno realizovanom ugovoru koju je izdala firma „Ekonomik Group“ d.o.o. Srebrenica broj 111/22 od 30.08.2022.godine u kojoj se navodi da je predmet ugovora nabavka i isporuka fasadne stolarije. Kako je predmet postupka nabavka i ugradnja fasadne stolarije, to Komisija nije mogla ocijeniti dostavljenu potvrdu kao prihvatljivu, obzirom da se odnosi samo na nabavku i isporuku ali ne i na ugradnju fasadne stolarije odnosno nabavku radova.

Iz naprijed navedenih razloga utvrđeno je da ponuđač ZR „Metal system“ Nebojša Pejić s.p. Doboj ne ispunjava uslove tražene u tenderskoj dokumentaciji iz tački 3.4.1. (a) – tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je pristupila analizi i procjeni preostalih ponuda, te utvrdila da dostavljene ponude ispunjavaju formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu preostalih ponuda te konstatovala da nije bilo računске greške.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi: 1. „GD Konstrukcije“ d.o.o. Mostar sa ponuđenom cijenom za ugovor u iznosu od 85.284,00 KM bez PDV-a, 2. „RMK Engineering“ d.o.o. Sarajevo sa ponuđenom cijenom za ugovor u iznosu od 85.309,45 KM bez PDV-a, 3. „Prima-commerce“ d.o.o. Zenica sa ponuđenom cijenom za ugovor u iznosu od 85.362,40 KM bez PDV-a, 4. „Inggra“ d.o.o. Sarajevo sa ponuđenom cijenom za ugovor u iznosu od 85.387,00 KM bez PDV-a, 5. „Niwex“ d.o.o. Derventa sa ponuđenom cijenom za ugovor u iznosu od 85.393,08 KM bez PDV-a i 6. „HDI“ d.o.o. Sarajevo sa ponuđenom cijenom za ugovor u iznosu od 85.469,40 KM bez PDV-a.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 02.11.2022. godine sa početkom u 13:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-210/22 od 02.11.2022. godine, Komisija je utvrdila da konačna rang lista ponuđača koji su učestvovali na e-aukciji izgleda kako slijedi:

1. „HDI“ d.o.o. Sarajevo sa ponuđenom cijenom za ugovor u iznosu od 56.837,15 KM bez PDV-a;
2. „RMK Engineering“ d.o.o. Sarajevo sa ponuđenom cijenom za ugovor u iznosu od 57.000,00 KM bez PDV-a,
3. „Prima-commerce“ d.o.o. Zenica sa ponuđenom cijenom za ugovor u iznosu od 72.000,00 KM bez PDV-a,
4. „GD Konstrukcije“ d.o.o. Mostar sa ponuđenom cijenom za ugovor u iznosu od 85.284,00 KM bez PDV-a,
5. „Inggra“ d.o.o. Sarajevo sa ponuđenom cijenom za ugovor u iznosu od 85.387,00 KM bez PDV-a,
6. „Niwex“ d.o.o. Derventa sa ponuđenom cijenom za ugovor u iznosu od 85.393,08 KM bez PDV-a

U skladu sa članom 8. stav (3) Pravilnika o uslovima i načinu korištenja e-aukcije izvršeno je umanjenje za svaku poziciju tehničke specifikacije za procenat koji iznosi konačno procentualno umanjenje cijene postignute nakon e-aukcije, tako da ponudena cijena za ugovor ponuđača „HDI” d.o.o. Sarajevo iznosi 56.837,15 KM bez PDV-a, odnosno 66.499,47 KM sa PDV-om, o čemu je ponuđač dostavio saglasnost broj 01/0001-22/1 dana 03.11.2022. godine.

Shodno naprijed navedenom Komisija je donijela preporuku za zaključenje ugovora za predmetnu nabavku sa ponuđačem “HDI” d.o.o. Sarajevo.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar komisije

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova

